


BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
*Komisija za jednakopravnost spolova/  
Povjerenstvo za jednakopravnost  
spolova*



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ  
*Комисија за једнакоправност сполова*

BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES



**Broj: 01/10-02-511/24**  
**Datum: 4. 3. 2024. godine**

**PREDSTAVNIČKOM DOMU  
PARLAMENTA FEDERACIJE BIH**

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 11. sjednici, održanoj 4. 3. 2024. godine, razmatrala je sljedeći dnevni red:

1. Usvajanje zapisnika 10. sjednice Komisije,
2. Informacija o realizaciji zaključaka Komisije,
3. Nacrt zakona o djelatnosti psihologa u Federaciji BiH,
4. Uspostavljanje saradnje sa Gender resursnim centrom Univerziteta u Sarajevu,
5. Informacija o organiziranju zajedničke tematske sjednice radnih tijela oba doma Parlamenta Federacije BiH pod pokroviteljstvom OSCE-a na temu "Institucionalni odgovoru na nasilje u porodici i nasilja nad ženama",
6. Tekuća pitanja.

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

**IZVJEŠTAJ**

**Ad-1. Usvajanje zapisnika 10. sjednice Komisije**

Zapisnik 10. sjednice Komisije, održane 22.1.2024. godine, jednoglasno je usvojen bez primjedbi.

**Ad-2. Informacija o realizaciji zaključaka Komisije**

Predsjednica Komisije je informisala ostale članove i članice da su većina zaključaka koje je predlagala Komisija realizirani, izuzev zaključka koji se odnosi o zaduživanju Federalnog ministarstva pravde o upućivanju u parlamentarnu proceduru Zakona o zaštiti od nasilja u porodici i Izmjeni i dopuni krivičnog zakona u Federaciji BiH.

### **Ad-3. Nacrt zakona o djelatnosti psihologa u Federaciji BiH**

Predsjednica je dala uvodne napomene o ovom zakonu te pozvala predstavnike Federalnog ministarstva rada i socijalne politike i Federalnog ministarstva zdravstva da detaljnije obrazlože Nacrt zakona o djelatnosti psihologa u Federaciji BiH.

Članovima su se obratili Anja Andrić- Alibegović i Goran Čerkez.

U diskusiji su učestvovali većina prisutnih članova kroz koju je posebno podcrtano da se kroz poseban zakon treba riješiti status psihologa pedagoga. Nakon sveobuhvatne diskusije usvojeni su sljedeći:

#### **ZAKLJUČCI**

- 1. Komisija za jednakopravnost spolova podržava usvajanje Nacrta zakona o djelatnosti psihologa u Federaciji BiH jer smatra da je dobra polazna osnova za donošenje zakona,**
- 2. Komisija predlaže nadležnom ministarstvu da se nakon usvajanja Nacrta zakona održi šira javna rasprava koja će podrazumijevati uključenje javnosti i akademske zajednice.**
- 3. Komisija za jednakopravnost spolova predlaže da Federalno ministarstvo zdravstva u što kraćem roku u parlamentarnu proceduru dostavi Zakon o mentalnom zdravlju.**

**O zaključku 3. Komisija za jednakopravnost spolova traži izjašnjenje Predstavničkog doma Parlamenta Federacije BiH.**

### **Ad-4. Informacija o organiziranju zajedničke tematske sjednice radnih tijela oba doma Parlamenta Federacije BiH pod pokroviteljstvom OSCE-a na temu "Institucionalni odgovor na nasilje u porodici i nasilja nad ženama"**

U okviru ove tačke dnevnog reda predsjednica je informisala članove i članice da je u ime Komisije učestovala u nekoliko radnih sastanaka zajedno sa predsjednicima drugih radnih tijela oba doma Parlamenta Federacije BiH a na inicijativu i poziv predstavnika OSCE-a govoreći o temi "Institucionalni odgovor na nasilje u porodici i nasilja nad ženama".

Predsjednica Komisije je također istakla da je veoma važno držati fokus na ovoj temi, pogotovo u trenutku kada se nasilje nad ženama dešava sve učestalije. Također je istakla da će najavljena zajednička Tematska sjednica biti održana u drugoj polovini marta u zavisnosti od dinamike zajeđanja sjednica oba doma Parlamenta Federacije BiH.

### **Ad -5. Uspostavljanje saradnje sa Gender resursnim centrom Univerziteta u Sarajevu**

Predsjednica je pozvala predstavnice Univerzitetskog gender resursnog centra da se predstave i da ukratko upoznaju članove i članice o radu Univerzitetskog gender resursnog centra.

Komisiji su se obratile direktorica v.prof.dr. Zilka Spahić-Šiljak i mr.sci Lamija Subašić.

Predsjednica Komisije je naglasila da je u toku izrada plana i programa rada Komisije za 2024. godinu te pozvalasve, kao i predstavnice Univerzitetskog gender resursnog centra da dostave prijedloge zajedničkog rada i saradnje. Usvojen je zaključak da se organizira radni sastanak u čijem bi sastavu bili prisutni delegacija Komisije, predstavnice Univerzitetskog gender resursnog centra, te predstavici Gender centra Federacije BiH.

**Ad-6. Tekuća pitanja**

Za diskusiju o ovoj tački dnevnog reda nije bilo prijavljenih.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE  
Alma Kratina, s.r.